



## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact [support@jstor.org](mailto:support@jstor.org).

IV. Experimenta de *Perforatione Thoracis*, ejusque in *Respiratione Effectibus*, facta per *Guilielmum Houstonum*, M.D. & quondam R. S. S. cum *Lugduni Batavorum* commoraretur. Ann. 1728 & 1729. Regali Societati communicata per *Philippum Millerum*, R. S. S.

*Exp. I.*

**A**NNO 1728, mense Aprili, Thoracem parvi Canis pugugi ab utroque latere, scalpello angusto. Sed animal, hoc facto, non minus fortiter latravit & ululavit quam prius fecerat; neque ullum dedit signum *Respirationis læsæ*; unde suspicabantur adstantes quidam, me non usque in cavitatem pectoris instrumentum adegisse, quare alio vulnere pari hoc dubium sustuli: sed simili omnino eventu, namque Cani permansere Vox & Vita integræ, ex horâ 9 matutinâ, ad 6 circiter vespertinam, quando illum occidi, ut, quid factum fuisset, viderem.

Thorace post mortem aperto, facile apparuerunt quatuor vulnera membranæ succingentis Costas, unde constitit singulas quatuor puncturas in Thoracis cavum penetrasse. Sed inflatis Pulmonibus, nullum apparuit illorum vitium, quamvis culter fere transversum digitum intra cavitates penetrasset; neque Aer citius effluxit quam ex Pulmonibus integerrimis effluere solet.

*Exp.*

*Exp. II.*

Menſe Auguſto ejuſdem anni, duos naſtus Catulos, quatuor circiter dies natos, idem experimentum in utroque inſtitui, Thoraces eorum aperiens ab utroque latere, unius puncturis tantum, alterius latis vulneribus, adeo ut utrinque in conſpectum veniret Pulmo; qui tamen nequaquam ſubſidebat, ſed potius extrorſum protrudi videbatur. Utrumque animal ejulare non deſiit, donec, poſt quadrantem horæ, miſertus illorum vitæ & miſeriis finem impoſui.

*Exp. III.*

Eodem anno, circa menſis Novembris initium, Cani mediocri pectus aperui, facto utrinque amplo vulnere. Aperturis factis digitum intruſi in utramque Thoracis cavitatem, ſenſique Pulmones adeo collapſos ut ſpatium eſſet relictum tranſverſi circiter pollicis inter ipſos & membranam, quæ ſuccingit Coſtas. Digitoſ ſuos ſimiliter intruſere duo alii Medicinæ ſtudioſi, idemque ſe ſentire teſtati ſunt. Sed Canis vinculis ſolutus ſurrexit illico ſatis alacriter, per cubiculum cucurrit, & læſus ejulavit. Nullæ aperturis immiſſæ ſunt turundæ, nec quidquam vulneribus impoſitum ante diem craſtinum; tunc autem applicati ſunt plumaceoli terebinthinâ illiniti. Canis per tres dies detentus, adeo non vocem amiſerat, ut vociferando fuerit ſatis moleſtus; & tandem dimiſſus currendo aufugit.

*Exp.*

*Exp. IV.*

Anno 1729, die Januarii 14, Canem nactus juniorem, Thoracem ejus volui aperire Aerique ingressum parare, sine magno Cutis & Musculorum vulnere; ne molestam excitarem hæmorrhagiam, vel animali parerem dolorem non necessarium. Itaque, ope instrumenti *Trois quarts* dicti, immisi utrinque Thoracis cavo fistulam, ex pennâ anserina cui capitelli modo affixum erat alutæ frustum pice obductum, ut Cuti prius rasæ adhæreretur, sicque fistulum retineret. At Cutis mobilis fistulam ilico e cavo Thoracis extraxit, sensique illam supra Costas hæreere; verum, sperans eam retineri posse, novâ puncturâ secundâ vice intrusi, idemque in altero latere toties feci, neque tamen unquam retinere potui. Hac itaque spe dejectus, Cutim utrinque separavi longa incisione, posteaque Musculos intercostales discidi, & in utramque cavitatem Thoracis penetravi; quod ex Aere violenter erumpente patebat. Die crastino foraminibus turundas immisi ex subere factas, quæ, utroque extremo crassiores, medio graciliores, nec fasciis nec emplastris indigebant ut retinerentur. Canis, hisce factis, non mortuus est, nec vocem amisit; sed edit, bibit, & satis bene se habere visus est, nisi quod vix potuerit in latus recumbere ob molestiam vulnorum & præcipue turundarum. Aeri interim subinde concessus fuit introitus extractis turundis, imo quidem uni lateri per fistulam fuit inflatus. Postquam sic duos dies egerat sine sensibili Vocis læsione, dum die tertio ipse illum tractabam, subito utraque turunda satis magnâ vi explosa est; Aerque per foramina in-

trans

trans & exeuns tantum edebat sibilum, ut ille partim (ut videbatur) ejus sono perterritus, partim ne ego illum plus læderem metuens, aufugerit & sub lecto se absconderit. Profugi apprehensi vulneribus turundas denuo intrusi, quæ haud ita diu post iterum exsilierunt. Atque hoc quidem in statu vixit ab hora 10 matutina ad 5 circiter vespertinam, & a pluribus Medicinæ Studiosis non sine admiratione visus est. Tandem rem communicavi D. Van Swieten Medico hujus Urbis doctissimo, qui rem cum cæteris miratus, animal ut occiderem & cadaver examinarem suavit; sed ego, vulnere effectum ulteriorem expectans, mortem ejus in Diem crastinum distuli. Vixit itaque quatuor dies integros post Pectoris perforationem, & tandem laqueo strangulatus est; neque signa dedit Respirationis læsæ ante finem diei tertii, quando paululum anhelosus factus est.

Thorax post mortem apertus Saniem continebat utrinque, satis magnâ capiâ. Pulmones in exiguum spatium erant contracti; uno latere, quantum videre potuimus, integri; altero vulnerati.

D. Van Swieten, ut in hanc rem ulterius inquireret, ipse experimenta quædam instituit. Primo ejus, ego quamvis invitatus non potui interesse; sed secundum (quod vidi) ita successit.

### *Exp. V.*

25 Jan. 1729. Cani mediocri, asseri alligato, Thorax apertus fuit utrinque, largo vulnere. Animali Vox non defecit; & Pulmones adeo non collapsi sunt, ut per aperturas eruperit utrinque illorum lobulus. Lobuli hi extus hærentes dilatari & contrahi  
non

non defecerunt ; &c, quod maxime mirum, dilatatio illorum Thoracis contractioni erat synchrona, & contra. Aer in Pectoris cava inflatus Animalis Respirationi nihil nocuit. Postquam sic per semihoram vixisset, sine ullâ Vocis vel Respirationis læsione sensibili, Thorax ab uno latere apertus fuit ulterius, discissâ costâ. Tumque apparebat (magnum paradoxum !) Pulmonem contrahi dum Pectus dilatabatur, dilatari dum hoc angustabatur. Huic etiam operationi supervixit Canis, donec, re ab omnibus abunde perspectâ, laqueo strangulari damnatus est.

Phænomena horum experimentorum inexpectata fecerunt, ut sequens etiam instituerem, cum amicis quibusdam eidem studio incumbentibus, quo examinarem num Pulmo semper applicaretur membranæ Pleuræ, integro Thorace.

### *Exp. VI.*

Canem parvulum, extensis artubus, firmiter super asserem ligavimus. Cutis elevatæ portionem forfice abscidimus, eâ Thoracis parte quâ Costæ ab incumbantibus musculis minime teguntur. Absterfo sanguine, & fluxu ejus Vini spiritu cohibito, quicquid adhuc Costas & intercostales Musculos tegebat id arreptum tenaculo abscidimus ; tandemque & ipsos intercostales Musculos caute separavimus. Membrana Pleura dicta, hoc modo nudata, hæcce aspicientibus exhibuit Phænomena. Dum Pectus dilatabatur apparebat intus membranæ applicatum aliquid album, dum vero angustabatur Pectus, & expirabat animal, album illud sursum fugiens locum cessit ascendenti cuidam corpori rubro ; tumque mox dilatante se  
Pectore,

Pectore, rubrum iterum descendit, locum ejus occupante albo; & sic per vices. Hoc viso, superius costarum interstitium etiam musculis nudavimus, sed eo in loco apparuit nihil nisi album. Membrana, utrâque parte, quâ nudata erat, dum Pectus dilatabatur, fiebat concava; dum angustabatur, paululum (sed vix sensibilibiter) convexa.

Hiscæ ad satietatem contemplatis, ditissimis duabus Costis, Pectus aperuimus, tam amplo vulnere ut quicquid fere in eo latere continebatur oculis pateret. Animal hoc factò vocem non amplius edidit, quamvis ab altero latere Thorax ejus esset illæsus. Pulmo multum ilico collapsus est; sed alternum dilatationis & contractionis motum non penitus amisit: eratque, omnium aspicientium consensu, dilatatio ejus contractioni Thoracis synchrona, & contra. Cordis tandem ventriculus pertusus est, ut intrusus digitus sentiret vim ejus muscularem; sicque de Respiratione simul & Vita actum est.

Fueram ego prius in ea opinione quod Homo, vel aliud animal ex perfectioribus (nam Ranarum & similium alia ratio est) non posset vivere si Aër in utramque cavitatem Thoracis admitteretur. At quam sit falsa hæc opinio, satis docent experimenta recensita; simulque repugnare videntur doctrinæ Respirationis ab omnibus merito receptæ, quæ statuit Pulmones dilatari a pondere Aëris per Laryngem intrantis, quando pressio ejus ab externa illorum superficie tollitur dilatatione Thoracis. Verum hanc apparentem repugnantiam sic tolli, vel saltem minui, posse existimo.

Supponamus utrumque vulnus duplum esse aperturæ Glottidis; sed integros esse Pulmones, omnique

vi contractili destitutos. Sitque Thorax jam dilatatus, & à Pulmonibus Aere distentis repletus, tum

1. Prima Thoracis contractione, exhibit Aër per solam Glottidem.

2. Dilatato iterum Thorace, intrabit Aër, eâ mensurâ, quâ ejus capacitas augetur; sed non omnis intrabit per Glottidem, neque omnis per Vulnera, sed per singulas aperturas intrabit pro ratione earundem; & quantitas, quæ per Glottidem intrabit, erit ad quantitatem quæ per Vulnera intrabit, ut Glottidis ipsius apertura, ad summam aperturarum Vulnerum; sive in presenti casu ut 1. ad 4. Ergo Aër quo Pulmones nunc inflantur, erit  $\frac{1}{4}$  illius quo fuissent inflati si Thorax mansisset integer.

3. Dum secundâ vice contrahitur Thorax, debet Aër per easdem vias egredi per quas in præcedente dilatatione est ingressus: & si immutatæ manent aperturæ, debet Aër, qui per vulnera ingressus est, per eadem exire eodem præcisè tempore, quo Aër per Glottidem ingressus per illam exit. Unde nullus Aër manebit inter Pulmonem & Pleuram, sed omnia erunt in eodem statu in quo fuerunt in fine primæ contractionis; & si ad vitam & vocem Animalis sufficit  $\frac{1}{4}$  solitæ inflationis Pulmonum, vel si Thoracem potest dilatare quinquies plus solito, tunc nihil obstat quin aperto sic Thorace possit vivere & vocem formare.

Unum supposui plane falsum, Pulmonem omni vi contractili destitutum esse; quod omnia everteret nisi daretur aliunde compensatio. Verum constat Glottidis rimam pro arbitrio animalis arctari posse  
vel



vel dilatari, & quidem actu dilatari, dum inspiratur Aër, arctari vero dum expiratur, (saltem dum Vox formatur); unde tantum potest Aëris ingressus juvari à Glottidis dilatatione, quantum, impeditur a Pulmonum vi contractili; tantumque ejus egressus impediri à Glottidis arctatione, quantum a contractione Pulmonum juvatur. Poteritque æquilibrium fervari, vel una alterave causa prævalere, prout animal hanc potestatem mutandi Glottidem habuerit, vel eadem usus fuerit. Quod etiam cum Phænomenis apprimè convenit; nam canis vociferanti Pulmones per Vulnera erupere; dum silebat, iterum introiverunt, nec eruperunt unquam.

Quod ad illud Phænomenon attinet quo Pulmo visus est dilatari dum Thorax contrahebatur, credo illud non aliam ob causam sic accidisse quam quia muscoli Abdominis vi ingenti, & quasi convulsivâ, contracti sursum pellebant omnia, & multum minuebant Thoracis capacitatem; unde Aër ex inferioribus Pulmonum pulsus ad superiora tendebat, & Pulvis quamvis, si totum spectes contractus, tamen eâ parte quâ vulnus respiciebat dilatabatur.

In sexto Exp. res ipsa loquitur, album Corpus Pulmonem fuisse, rubrum Diaphragma. Quin & Pulmones Thoracem integrum replere, ejusque membranæ superficie suâ applicari, ut vulgo creditur.

Restant autem hac in re difficultates aliæ, accuratioribus experimentis & acutioribus ingeniis tollendæ.